

# KULANKA 1 AAD EE ZÚME QORAALKA MUUQAALKA

## Bara in ay Addeecaan

Kusoo dhawow Tababbarka Zúme. Kulankan waxa aan uga hadli doonnaa xerta iyo kaniisadda.

Waa maxay xerow? Sidee baan mid u samayn karnaa?

Sidee ayaad qof Ciise rumaysan aad u bari kartaa inuu aqbalo amarradan oo dhan?

Sidee ayaad u soo qaban kartaa dad ay dunidu jiidatay oo aad ugu xoojin kartaa in ay muwaadiniin ka noqdaan boqortooyada Ilaah?

Macnaha ereyga xerow waa raacsame. Sidaas darteed xerowgu qof Ilaah raacsan.

Ciise wuxuu yiri - Amar oo dhan ayaa samada iyo dhulka laygu siiyey.

Sidaas darteed boqortooyada Ilaah dhexdeeda, Ciise ayaa ka ah Boqor. Waxaannu nahay muwaadiniintiisii, kuwaasoo doonistiisa u taagan. Doonistiisa, ujeedooyinkiisa, ku talo galladiisa iyo ahmiyad siintiisa, iyo qiimayntiisu waa kuwa ugu sarreeya uguna fiican.

Ereygiisu waa sharciga. Haddaba sharciga boqortooyadu waa maxay? Muxuu Ciise u sheegayaa xertiisu in ay sameeyaan?

Ciise wuxuu yidhi -- Waa inaad Rabbiga Ilaahaaga ah ka jeclaataa qalbigaaga oo dhan iyo naftaada oo dhan iyo caqligaaga oo dhan. Ciise wuxuu yidhi -- Waa inaad deriskaaga u jeclaataa sida naftaada.

Ciise wuxuu sheegay in amarradii Ilaah ee Axdigii Hore – dhammaan sharcigii iyo nebiyadii – waxaana lagu soo koobi karaa labadan shey – Ilaah Jeclow Dadkana Jeclow

Ciise wuxuu yidhi – Xer sameeya

Ciise wuxuu yidhi -- bara inay dhawraan wax walba oo aan idinku amray.

Maaddama in la baro xajinta amarrada ay ka mid tahay xer samaynta – halkan shey ayaa Axdiga Cusub lagu soo koobi karaa – Xer Sameeya

Xerow waa qof Ciise raacsan oo Ilaah Jecel, Dadka Jecel Xerna Sameeya

Haddaba waa maxay kaniisad?

Laga yaabee in aad u malaysid dhisme marka laga hadlayo kaniisad – oo ah meel la tago. Laakiin Ereyga Ilaah waxa uu sheegayaa in kaniisaddu tahay jameeco ama kulan – sida dad aad ka tirsan tahay.

Ereyga “kaniias” saddex qaab ayaa loogu adeegsaday Baybalka dhexdiisa:

- kaniisadda caalamiga ah – oo ah dhammaan dadka raacay, raacsan ee Ciise raacsanaan doona weligood
- magaalada ama kaniisadda asalka ah – oo ah dhammaan dadka raacsan Ciise ee meel adduunka kaga wada nool
- kaniisadda guriga -- oo ah dhammaan dadka raacsan Ciise ee ku wada kulma meesha uu hal rumayste ama in ka badan ay ku nool yihiin.

Qoyska ruuxiga ah – kuwa raacsan Ciie ee Ilaah Jecel, Dadkana Jecel ee Xerta Sameeya ee meel ku wada kulmaa waxa ay ka mid yihiin kaniisadda aan imminka soo sheegnay – oo ah kaniisadda guriga ama kaniisadda yar.

Marka kaniisadaha yaryar ay si guud isugu xidhmaan, waxa ay u gudbaan kaniisadda magaalada ama asalka ah.

Kaniisadaha heer gobol ah ee isu taga, ee isku xidhka adag yeeshaa waxa ay u gudbaan kaniisada caalamiga ah.

## WAA MAXAY KANIISADDA UU MAGACEEDU KA BILOWDO XARAF WEYN “K”

Kaniisadaha yaryar waa qoysas ruuxiya oo nolshooda Ciise Boqor ka yahay.

Kaniisadaha yaryar waa qoysas ruuxi ah oo Ilaah Jecel, Kuwa Kalena Jecel ee Xer Badata.

Kaniisadaha qaar waxa ay leeyihiin Dhismayaal iyo Barnaamijyo iyo Dhaqaale qoondaysan iyo shaqaale rigli ah

Balse kaniisadaha yaryari uma baahna waxyaabaha, si ay u noqdaan kuwo Ilaah Jecel, Kuwa Kalena Jecel ee Xer Badata.

Maaddaama waxyaabaha dheeraadka ay kaniisadda ku adkayso oo culays ka saarto in ay badato, tababbarkeennan ugama hadlaynno Dhismayaal iyo Barnaamijyo, iyo Dhaqaale qoondaysan iyo Shaqaale rigli ah oo waxaan u daynaynaa kaniisadaha magaalada ama degaanka ee iyagu batay ee ka soo gudbay kaniisadaha yar yar.

xusuusnow “zumé” macnihiisu waa “qamiir” – ah unug qurub yar ah oo si dhaqso ah u bata.

Tababbarkan Zumé – waxaan ku doonaynaa inaan noqonno sida qamiirkaas – yar ee taranka badan.

Balse inta aynaan bilaabin hawshan badashada – waa in aan iska habsannaa oo aan og nahay waxa Ilaah naga rabo badintooda.

Maxaa yeelay tarmiddu waa ay fiican tahay – mar walba sameeya

Kansarku waa taran xooggan. Oo dhimasho ayuu keena.

Haddaba sidee baan u soo saarnaa nolol taran leh oo aan dhimasho wadan? Sidee baanse u hubinaa in aannu nahay xer midho dhal leh?